



Seideán SÍ

# Murach an Traenáil ar Fad



Leagan  
Connachtach

Anna Ní Chartúir  
Martin Fagan a mhaisigh



AN GÚM

'Ar imir tusa peil nuair a bhí tú óg?'  
a d'fhiafraigh Gearóid dá Dhaidí lá.

An chéad eagrán 2006

© An Roinn Oideachais agus Eolaíochta / Foras na Gaeilge, 2006

Cach ceart ar cosaint. Ní ceadmhach aon chuid den fhoilseachán seo a atáirgeadh, a chur i gcomhad athnála, ná a tharchur ar aon mhodh ná sli, bíodh sin leictreonach, meicritiúil, bunaithe ar fhótochóipeáil, ar thaifeadadh nó eile, gan cead a fháil roimh ré ón bhfoilsitheoir.

Baineann an saothar seo le scéim Dhearthóirí Áiseanna Teagaisc na Roinne Oideachais agus Eolaíochta atá ann chun áiseanna Gaeilge a sholáthar do na bunscoileanna Gaeltachta agus do na bunscoileanna lán-Chaellige.

Dearthóirí Áiseanna Teagaisc na Gaeilge a scríobh

Dearadh agus leagan amach: Designit

Obair eolaine: Martin Fagan

Printset and Design Teo a chlóbhuail in Éirinn


An Gúm, 24–27 Sráid Fhreidric Thuaidh, Baile Átha Cliath 1



‘Tá cluiche peile le himirt agamsa  
tar éis na scoile,’ arsa Gearóid  
lena Dhaidí maidin amháin.  
‘Tá súil agam go mbeidh  
an-chluiche agat,’ arsa Daidí.



‘Ar imir tusa peil nuair a bhí tú óg,  
a Dhaidí?’ a d’fhiafraigh Gearóid  
tar éis tamaill.  
‘D’imir,’ arsa Daidí. ‘Bhí mé  
ar fhoireann na scoile.’  
Leis sin rug Daidí ar a chóta.  
‘Caithfidh mé a bheith ag bailiú  
liom,’ ar seisean. ‘Slán go fóill.’  
Agus amach an doras leis.





‘Tá cluiche peile le himirt agamsa  
tar éis na scoile,’ arsa Gearóid  
lena Mhamai agus é ag gabháil  
amach an doras.

‘Tá súil agam go mbeidh  
an-chluiche agat,’ arsa Mamai.

‘Cén chaoi ar éirigh libh?’ arsa  
Mamai nuair a tháinig Gearóid  
abhaile tráthnóna.




‘Buaileadh muid,’ arsa Gearóid.  
‘Bhí mé ag imirt sna tosaithe ach  
ní bhfuair mé an oiread is pointe  
amháin.’



‘An raibh tusa go maith ag an bpeil nuair a bhí tú óg?’ a d’fhiafraigh Gearóid dá Dhaidí an oíche sin. ‘M’anam go raibh,’ arsa Mamáí. ‘Nach bhfeiceann tú na boinn agus na cupáin ar fad a bhuaigh sé?’ ‘Ba mhaith liomsa a bheith go maith ag an bpeil,’ arsa Gearóid.




An Satharn ina dhiaidh sin d'imir Gearóid cluiche eile. Chuaigh Mamai agus Daidí ag breathnú ar an gcluiche. Sna tosaithe a bhí Gearóid ag imirt arís. Ach ní raibh foireann Ghearóid thar moladh beirte agus buaileadh iad. 'Ní dhéanann siad leath a ndóthain traenála,' arsa Daidí le Mamai.






Ní raibh Gearóid sásta ar chor ar bith.  
'Ní bhfuair mé an oiread is pointe amháin,' ar seisean le Daidí.  
'B'fhéidir nach ndéanann sibh bhur ndóthain traenála,' arsa Daidí.



Níos deireanaí tráthnóna bhí Gearóid ag breathnú ar an teilifís nuair a tháinig Daidí isteach. ‘Cuir ort do chuid bróga peile,’ ar seisean le Gearóid. ‘Ach taitníonn an clár seo liom,’ arsa Gearóid. ‘Cén chaoi a mbeidh tú go maith ag an bpeil mura mbíonn tú ag traenáil?’ arsa Daidí.





Nuair a bhí a chuid bróga peile ar  
Ghearóid shín Daidí mála chuige.  
‘Seo,’ ar seisean. ‘Cheannaigh mé  
brontanas duit.’


‘Céard atá ann?’ arsa Gearóid.

‘Oscail é,’ arsa Daidí.

‘Liathróid atá ann!’ arsa Gearóid.

‘Liathróid bhreá. Go raibh míle  
maith agat, a Dhaidí.’

‘Tá fáilte romhat,’ arsa Daidí.



Amach leis an mbeirt acu sa ngairdín  
ansin.  
'Beidh mise i mo chúl báire,' arsa  
Daidí.  
'M'anam gur breá an liathróid í seo,'  
arsa Gearóid.  
Tharraing sé cic ar an liathróid agus  
chuir sé ...





... amach ar an mbóthar lí



‘M’anam gur breá an liathróid í seo,’ arsa Gearóid arís.  
Tharraing sé cic eile uirthi agus chuir sé ...



... isteach sna sceacha il!



‘Gabh anall anseo chugam,’ arsa Daidí tar éis tamaill. ‘Is mar seo ba cheart í a chiceáil.’ Tharraing Daidí cic ar an liathróid agus chuir sé ...



... isteach sa gcúl i!



Chaith Gearóid tamall maith  
ag cleachtadh na scileanna peile  
in éineacht lena Dhaidí. Ansin  
tharraing sé cic eile ar an liathróid.  
Suas san aer leis an liathróid – suas  
... suas ... suas ... agus ...



... thar an trasnán!  
'Tá tú ag déanamh go maith,' arsa  
Daidí leis.



Chuile thráthnóna ina dhiaidh sin  
chaith Gearóid tamall ag traenáil  
in éineacht lena Dhaidí.







Mí ina dhiaidh sin bhí cluiche eile  
le himirt ag Gearóid.

‘Ní bheidh mise in ann a ghabháil  
chuig an gcluiche,’ arsa Daidí leis  
ar maidin. ‘Caithfídh mé a ghabháil  
go Londain agus ní bheidh mé ar  
ais in am.’



D’imir Gearóid an-chluiche. Fuair sé  
pointe amháin sa gcéad leath agus  
trí phointe sa dara leath.



Nuair a bhí an cluiche thart  
ghlaoigh Gearóid ar Dhaidí.



‘Bhuaigh muid, a Dhaidí,’ ar seisean.  
‘Agus fuair mise ceithre phointe. Is é  
an trua nach bhfaca tú mé.’



‘Ach chonaic mé thú,’ arsa Daidí.  
‘Tá mé anseo buailte leat.’



Rith Gearóid anonn chuig Daidí.  
'Ach cheap mé go raibh tú  
i Londain, a Dhaidí,' ar seisean.  
'Bhí,' arsa Daidí, 'ach tháinig mé  
i dtacsaí ón aerfort. Chonaic mé  
an dara leath.'



‘Céard a cheap tú de na pointí a fuair mé?’ arsa Gearóid.

‘M’anam go ndearna tú go maith,’ arsa Daidí.

‘Murach an traenáil ar fad ...,’ arsa Gearóid.

‘Sea,’ arsa Daidí. ‘Murach an traenáil ...’

Murach an traenáil ar fad ...

